

МОНГОЛ УЛСЫН ИХ СУРГУУЛЬ

ЭРДЭМ ШИНЖИЛГЭЭНИЙ БИЧИГ

№ 12/370

НШУС

2011

АРДЧИЛАЛ, ШИНЭЧЛЭЛИЙН ҮЕИЙН МОНГОЛЫН СЭТГҮҮЛ ЗҮЙН БОЛОВСРОЛЫН АСУУДАЛД

Д.Дагиймаа*

* ХИС, Сэтгүүл зүй, медиа технологийн тэнхмийн эрхлэгч, доктор (Ph.D.), дэд профессор

Түлхүүр үг: хэвлэл мэдээллийн хэрэгсэл, сэтгүүл зүйн боловсрол, сэтгүүлч боловсон хүчин

Өдгөө гурван сая хүрэхгүй хүн амтай Монголд 400 гаруй хэвлэл мэдээллийн хэрэгсэл тогтмол үйл ажиллагаа явуулж байна. Орчин үеийн Монголд уул уурхайн мэргэжилтэн, сэтгүүлч гэсэн хоёр мэргэжил хамгийн их эрэлттэй байгаа гэхэд хилсдүүлэг болохгүй буй заа. Зах зээл дээр хэвлэл мэдээллийн зүгээс сайн боловсон хүний эрэлт байнга байсаар ирсэн бол нөгөө та-лаас төгсөгчид ажлын байрны хомсдолтой байсан тийм цаг үе өнөөдөр боловсон хүний сайн муу гэсэн ангилалгүй эрэлтээр солигджээ. Энэ байдал ойрын жилүүдэд өөрчлөгдхөгүй. Учир нь хууль хэрэгждэггүй, мэдээллийн хэрэгслүүд нь хэн нэгний нөлөөлөлд үйл ажиллагаа явуулж байгаа энэ цагт хэвлэл мэдээллийн хэрэгслийн тоо буурахгүй, харин ч нэмэгдэнэ. 2008 оны сонгуулийн дараа шинээр байгуулагдсан жижиг телевизүүд хаагдана гэсэн судлаачдын таамаглал биелзэгүйгээр үл барам эсрэгээр өрнөсөн билээ. Энэ системээрээ хямартсан үйл явц голдролдоо орж бизнесмэн, улс төрчид өөрийгөө хамгаалах хэрэгсэл шаардлагагүй болох үед байдал өөрчлөгдөх боломжтой юм. Ирэх жил сонгууль болох учир тэд дахин шинээр телевиз, сонин, сэтгүүл байгуулах

бэлтгэл ажлаа эхэлжээ. Интернет сайтын тоо бүр огцом өсөх хандлага байна. Үүнийг дагаад чадварлаг боловсон хүний асуудал зайлшгүй сөхөгднө.

Түүхийг сөхвөл, бичиж туурвих авьяастай, өөр мэргэжлийн хүмүүс ажиллаж байсан Монголын сэтгүүл зүйд 1960-аад оны эхэн үеэс 3ХУ, Болгар, БНАГУ-д сэтгүүлчийн мэргэжил эзэмшсэн сэтгүүлчид ажиллах болжээ. 1960-1961 оны хичээлийн жилээ МУИС-ийн хэл бичгийн факультетийн дэргэд сэтгүүлч мэргэжлээр анх удаа оюутан элсүүлж, 1961-1962 оны хичээлийн жилд Сэтгүүл зүйн тэнхим байгуулагдсаныаар манай оронд сэтгүүл зүйн сургалт эхэлсэн байна. Тус тэнхмийг 1967-1977 онд МАХН-ын Төв Хорооны дэргэдэх Намын дээд сургуульд шилжүүлж, б удаа төгсөлт хийсэн юм. Мөн 1971-1987 онд Улаанбаатар хотын Намын хорооны дэргэдэх Марксизм-Ленинизмын оройн их сургуульд сэтгүүлч бэлтгэж, нийт 370 гаруй хүнийг төгсгэжээ. 2000 оны байдлаар буюу өнгөрсөн 40 жилийн хугацаанд гадаад дотоодын их, дээд сургуулиар нийт 1230 шахам сэтгүүлч бэлтгэжээ.

1990 оноос хойш улсын болон хувийн их, дээд сургуулиуд сэтгүүлч мэргэжлээр сургалт явуулж 2006 оны байдлаар 22 их, дээд сургууль сэтгүүлч бэлтгэж байв. Олон сургууль байгаа нь өрсөлдөөн гүнзгийрч сургуулийн ча-

наарт нөлөөлөх сайн талтай боловч нөгөө талаасаа сургалтын үндсэн баримт бичгүүд бүрэн боловсроогүй, материаллаг бааз хангалтгүй, зайлшгүй үзэх мэргэжлийн хичээлүүдийг ор нэр төдий заадаг, багшлах боловсон хүчин дутмаг зэрэг дутагдал байв. Энэ байдалд дүн шинжилгээ хийж 1999 оноос МУИС-ийн Сэтгүүл зүйн тэнхмээс Соросын сангийн санхүүжилтээр “Их, дээд сургуулиудын сэтгүүл зүйн сургалтын агуулгыг сайжруулах” сэдэвт судалгааны төсөл хэрэгжүүлсэн юм.

Үний дараа 2003 оны “Сэтгүүл зүй” чиглэлийн бакалаврын боловсролын стандартыг Стандарт хэмжил зүйн үндэсний зөвлөлийн тогтоолоор баталж, улсын хэмжээнд мөрдүүлэх стандарттай болжээ. Энэ бол 1990-ээд оноос хойш сэтгүүл зүйн сургалтын хүрээнд хийгдсэн томоохон дэвшлүүд байлаа. Учир нь сэтгүүлч бэлтгэдэг 20 гаруй их, дээд сургуульд дээрх төсөл, стандартын ачаар мэргэжлийн тодорхойлолт, сургалтын агуулга, сургалтын төлөвлөгөө, хичээлүүдийн хөтөлбөрүүдээ шинэчилснээр сургалтын чанарт ахиц гарч эхэлсэн юм.

Өнөөдрийн байдлаар сэтгүүлч бэлтгэдэг 18 сургууль үйл ажиллагаа явуулж, 1500 орчим оюутан суралцаж байна.

1. МУИС-ийн Сэтгүүл зүйн тэнхим, МУИС-ийн харьяа Улаанбаатар сургууль
2. МУБИС
3. СУИС-ийн харьяа Радио, телевизийн сургууль
4. Хүмүүнлэгийн ухааны их сургууль
5. “Отгонтэнгэр” их сургууль
6. “Идэр” дээд сургууль
7. “Зохиомж” дээд сургууль
8. “Их Монгол” дээд сургууль
9. “Улаанбаатар-Эрдэм-Оюу” дээд сургууль
10. “Их Засаг” их сургуулийн харьяа Монголын “Рояль” академи, харьяа “Харцага” сургууль
11. “Номун далай” дээд сургууль

12. “Сэтгүүлч” коллеж
13. “Орхон” их сургууль
14. Олон улс судлалын дээд сургууль
15. “Соёл эрдэм” дээд сургууль
16. “Түгээмэл” коллеж
17. Утга зохиол, нийгмийн ажилтны дээд сургууль
18. Кино урлагийн дээд сургууль

Дээрх сургуулиудын сэтгүүл зүйн тэнхмийн багш нарын дунд Монголын сэтгүүл зүйн сургалтын өнөөгийн байдал, стандартын хэрэглээ, материаллаг бааз, тулгамдсан асуудлуудыг тодорхойлох зорилгоор 2011 оны 4-р сард ХИС-ийн Сэтгүүл зүй, медиа технологийн тэнхмээс “Сэтгүүл зүйн сургалтын асуудал” судалгааг явуулсан юм. Харин мөн оны 5-р сард их, дээд сургуулиудын сургалтын орчин, сургалтын чанарын талаар сэтгүүлч мэргэжлээр суралцдаг нийт оюутны сэтгэл ханамжийг тодорхойлох, цаашид сургуулийн захиргаа болон мэргэжлийн тэнхмийн зүгээс оюутны суралцах нөхцөл бололцоо, сургалтын чанарыг сайжруулахын тулд хийх ажлын санал гаргах зорилгоор судалгаа хийлээ. Судалгаанд “Номун далай” дээд сургуулиас бусад 17 их, дээд сургуулийн сэтгүүлчийн ангийн 271 оюутан хамрагдсан бөгөөд анкетийн аргаар мэдээллийг авсан юм. Хүйсийн хувьд 72 эрэгтэй, 199 эмэгтэй оюутан байсан бөгөөд курсын хувьд авч үзвэл 15.9% буюу 43 нь нэгдүгээр курсын оюутан, 41.3% буюу 112 нь хоёрдугаар курсын оюутан, 27.5% буюу 69 нь гурвадугаар курсын оюутан, 15.3% буюу 47 нь дөрөвдүгээр курсын оюутан байв.

Дээрх сургуулиудыг мэргэжлийн чиглэлээр авч үзвэл сэтгүүлч мэргэжлээр 12, олон улсын сэтгүүлч мэргэжлээр 6, орчуулагч-сэтгүүлч мэргэжлээр 5, орчуулагч-олон улсын сэтгүүлч мэргэжлээр 1, сэтгүүлч, утга зохиолын ажилтан мэргэжлээр 1, радио телевизийн сэтгүүлч мэргэжлээр 1 сургууль сургалтаа явуулдаг байна. Тэд бусад сургуулиас ялгарах давуу талаа

практик давамгайлсан сургалттай, гадаад хэлийг түлхүү үздэг гэсэн байдаар тодорхойлж байна.

Сэтгүүл зүйн сургуулиудад нэн шаардлагатай байдаг радио, теле студитэй эсэхийг тодруулахад теле студитэй 7, радио, теле студитэй 4 сургууль байгаа бол 7 сургууль нь огт мэргэжлийн студигүй байна.

Харин сэтгүүлчийн ангийн оюутнууд сургуульдаа сэтгэл дундуур байдгийн шалтгаанаа хэлэхдээ (давхардсан тоогор) номын сан, түүний үйлчилгээ (55,2%), мэргэжлийн студи, лаборатори-

гүй (51,2%), сургуулийн гаднах талбай, тохижилтын (49.6%) асуудалд хамгийн их сэтгэл дундуур байдгаа илэрхийлсэн бол спорт заал (28.8%), Интернет үйлчилгээ (34.4%), сургалтын албаны ажилчдын харьцаа (30.4%) бас түүнээс ч дутуугүй бухимдуулдаг гэжээ. Техник технологийн зуунд сэтгүүлч мэргэжлийг шохой, самбараар заах хангалтгүй гэдэг нь ойлгомжтой хэрэг юм.

Асуултыг дэлгэрүүлж сэтгүүл зүйн ангид суралцаж байгаадаа сэтгэл хангалуун байдаг уу? гэсэн асуултад дараах байдаар хариулсан байна.

Сэтгүүл зүйн ангид суралцаж байгаадаа сэтгэл хангалуун байдаг уу?

№	Хариулт	Хувь
1.	Тийм	56
2.	Дунд зэрэг	38
3.	Үгүй	3
4.	Мэдэхгүй	3

Дээрх хариултаас үгүй, дунд зэрэг, мэдэхгүй, мөн тийм хэмээн хариулсан

оюутнууд сэтгэл дундуур байгаагийнхаа шалтгааныг ийнхүү хариулжээ.

№	Хариулт	Хувь
1.	Багшах боловсон хүчин муу	27,2
2.	Сургалтын орчин тааруу	32,8
3.	Сургалтын чанар муу	18,4
4.	Хичээлийн хөтөлбөр нь учир дутагдалтай	34,4
5.	Материаллаг бааз дутмаг	29,6
6.	Төлбөр өндөр	11,2
7.	Бусад	12,8

Сэтгүүл зүйн багш нар сэтгүүл зүйн стандарт цаг үеийн шаардлагыг төдийлөн хангахаа больж хуучирсан учир ягштал баримтлахад төвөгтэй гэсэн хариултыг егсөн бол оюутнууд ч мөн нийгмийн хөгжил, хэвлэл мэдээллийн

зах зээлээ дагаад сургалтын хөтөлбөрт компьютер график дизайн, хөтлөгчийн ур чадвар, сэтгүүлчийн ур чадвар, дадлага давамгайлсан хичээлийг сургалтын хөтөлбөрт оруулахыг хүсчээ.

№	Хариулт	Хувь
1.	Хөтлөгчийн ур чадвар	69,1
2.	Дадлага давамгайлсан хичээл	49,6
3.	Компьютер график дизайны хичээл	32,4
4.	Сэтгүүлчийн ур чадвар	27,3
5.	Бусад	12,2

Сургалтын агуулга гэдэг зүйл заавал цаг хугацаагаар хэмжигддэг гэж энд хэлж байгаа хэрэг биш юм. Харин шинжлэх ухаан технологийн хөгжил, хүмүүсийн оюуны хэрэгцээ шаардлага дээр үндэслэгдээд сэтгүүл зүйн сургалтын ажилд ч мөн өөрчлөлт хийх зайлшгүй шаардлага тулгараад байгааг өгүүлж байна. Учир нь өнөөгийн сэтгүүл зүйн хандлага телевизийн сэтгүүл зүй болон онлайн сэтгүүл зүйгээр тодорхойлогдож байна. Ийм нөхцөлд

бэлтгэн гаргаж буй сэтгүүлчдийг техник болон өөрчлөгдөн хөгжиж буй технологийн дэвшилтэй танилцуулах, улмаар түүнд сургах шаардлага урган гарч байна. Учир нь орчин үеийн сэтгүүл зүйг Интернет, компьютергүйгээр төсөөлөхөд төвөгтэй болсон юм. Үүнийг дараах хариултаас харж болно. Сэтгүүлчээр одоо суралцаж байгаа оюутнуудын дийлэнх нь төлөвийн ажиллах сонирхолтой байдаг.

№	Төгсөөд хэвлэл мэдээллийн ямар салбарт ажиллах вэ?	Хувь
1.	Телевиз	68,1
2.	Радио	11,6
3.	Сонин	20,5
4.	Байгууллагын ХМ-ийн алба	8,3
5.	Бусад	3,2

Төгссөн мэргэжилтний тоог нарийвчлан гаргах оролдлого хийсэн боловч амжилттай болсонгүй. Учир нь сургуулиуд төгсөгчдийн судалгааг нарийвчлан хийдэггүй ба төгсөгчдийн 70 орчим хувь нь мэргэжлийн ажлаа хийдэг гэсэн ерөнхий хариултыг өгчээ.

Нэгэн үе сэтгүүлчдийг өндөр шалгумаар ажилд авдаг байсан бол өнөөдрийн байдлаар томоохон өдөр тутмын хэвлэлүүд хүртэл өөрийн давтан сургалтдаа хамруулан ажилтнаар

авах тухайгаа сонины хариуцлагатай албан тушаалтнууд нь хэлж байна. Гэхдээ бүх ХМХ ийм байгаа гэж ойлгож болохгүй юм. Телевизүүдэд ажиллах сонирхолтой төгсөгчдөөс үүдээд радио, сонин, сэтгүүл, цахим хуудсууд ажиллах хүчиний сонголт, шалгаруулалт байхгүй болоход хүрчээ.

Харин сэтгүүл зүйн ангийнхан сургуулиа төгсөөд мэргэжлээрээ ажиллах эсэх тухайгаа доорх байдлаар хариулжээ.

Төгсөөд мэргэжлээрээ ажиллах уу?

№	Хариулт	Хувь
1.	Тийм	6,9
2.	Үгүй	7,4
3.	Мэдэхгүй	20,3
4.	Хариулаагүй	3,3

Үгүй хэмээн хариулагсад мэргэжлээрээ ажиллахгүй гэсэн шалтгаагаа дийлэнх нь сэтгүүлчийн цаг наргүй

ажлаас бэрхшээсэн гэсэн бол 20 хувь нь үргэлжлүүлэн суралцана хэмээн хариулсан байна.

№	Хариулт	Хувь
1.	Чадахгүй байх гэж эмээдэг	12
2.	Цаг наргүй их ажилтай байдаг	23
3.	Сонирхолгүй	12
4.	Үргэлжлүүлэн сурна	20
5.	Гадаадад гарч ажиллаж, амьдарна	12
6.	Цалин багатай	9
7.	Бусад	12

Дээрх асуулттай холбоотойгоор сэтгүүл зүйн сургалт муу хэмээн ХМХ-ийн эздийн зүгээс ирдэг шүүмжлэлийн

шалтгааныг сэтгүүл зүйн багш төгсөгчдийн чанартай холбожээ.

№	Сэтгүүл зүйн сургалт муу хэмээн нийгмийн зүгээс шүүмжлэгдэж байгаагийн шалтгаан	Хувь
1.	Элсэгчдийн чанар муу	50
2.	Хичээлийн хөтөлбөр учир дутагдалтай	28
3.	Материаллаг бааз дутмаг	22
4.	Багшлах боловсон хүчин муу	22
5.	Сургалтын орчин тааруу	17
6.	Сургалтын чанар муу	5

Харин судалгааны дүнг үзвэл 77.1% нь мэргэжлийн багш нартаа, 18.8% англи хэлний багш нартаа, 15.1% нь ерөнхий суурь хичээлийн багш нартаа сэтгэл хангалийн байдаг гэжээ. Дээрх үзүүлэлтүүдээс харахад сэтгүүл зүйн мэргэжлийн багш нартаа оюутнууд сэтгэл хангалийн байдаг ба багшлах ур чадварыг сайн хэмээн тодорхойлсон байна. Гэвч зарим багш нарны хувьд оюутнуудыг шударгаар дүгнэдэггүй, зан харьцаа муу, заах арга зүй тааруу, хувь хүнийхээ хувьд таалагддаггүй гэжээ.

Сэтгүүлч бэлтгэдэг их, дээд сургуулиуд мэргэжилтний чанараа өөр дээрээ хүлээдэггүй (элсэгчдийн чанар муу 50%) харин өөрсдөд нь тохиж байгаа нь анхаарал татаж байна. Гэвч суралцагчдаас авсан судалгаа, бас ХМХ-ийн эздийн санал бодол үүнээс эсрэгээрээ буюу сургалтын орчин тааруу, сургалтын чанар муу гэж дүгнэж байна. Хувийн сургуулиуд элсэгчдэдээ ямар нэг шаардлага

тавьдаггүй нь төгсөгчдийн чанарт нөлөөлж байгаа нь үнэн боловч 18 их, дээд сургуулийн 40 хувь нь студигүй, мөн өнөөгийн Монголын сэтгүүл зүйн төрх байдал дээрх дүгнэлтийг нотолж буй учир сэтгүүл зүйн сургалт эрхэлж буй байгууллагууд тодорхой хэмжээнд хүлээн зөвшөөрөхөөс аргагүй байна.

Дээрх судалгаанаас дүгнэхэд сэтгүүлч бэлтгэдэг сургуулиуд сургалтын материаллаг баазыг сайжруулах, практик давамгайлсан сургалтыг хэрэгжүүлэх, сургалтын хөтөлбөрийг практиктойр болгох, сэтгүүл зүйн багш нарны мэдлэгийг дээшлүүлэх, стандартыг дахин шинэчлэх, элсэгчдийг чанаржуулах зэрэг асуудлыг сэтгүүл зүйн салбарын тулгамдсан асуудал хэмээн тодорхойлж байна.

Summary

Today 18 college and university are preparing journalists and about 1500 students are studying in there. Currently, there are over 400 mass media. Within this

year many will be added. With given environment and market demand, need for skilled human resource for mass media industry. Students need on hands practical knowledge, and improvement of skills. Department of Journalism and Media-technology, University of the Humanities

conducted sociological survey of lecturer on journalism and students, who studied by journalism in April and May, 2011. The vital issue of Mongolian journalism are update journalism standard, upgrade the quality of training, improve the quality of university entrant and improve the resource bases.